

分別功德論卷上

失譯附後漢錄

謂一

建初偈所說曰迦葉思惟正法本者謂思惟經法言教甚多何以知之迦葉即以比較明其多少較法從十驢始云十驢力不如一凡駱駝力十凡駱駝力不如一凡象力十凡象不如一細腳象力十細腳象不如一盜食象力十盜食象不如一蓮華象力十蓮華象不如一青蓮華象力十青蓮華象不如一紅蓮華象力十紅蓮華象不如一白蓮華象力十白蓮華象不如一雪山象力十雪山象不如一香象力從驢至香象爲一分如是八萬四千香象以較皮表裏書經滿如是數香象比載阿難所聞所知事粗可都較知大數欲一一演其文字者畢壽不能暢也思惟經法甚爲浩大云何當使流布天下千載衆生得蒙法澤耶深思至理誰能撰法唯有阿難乃能集耳迦葉即時鳴捷捷集衆于時尋有八萬

四千諸羅漢等承命來集此等無漏皆是俱盡定故也諸有入滅盡定者能使衆生現世得福濟其苦厄大千世界諸無著等其數難筭除諸三道各各一倍今但錄利根俱解脫能以滅盡定度脫衆生是故稱爲福田何以明之昔日天帝釋福盡命終時五瑞應至心即恐懼欲求拯護正欲至佛所求拯念佛恩寬緩懼不解命急念舍利弗目連等亦恐不能濟命唯有大迦葉以滅盡定力尋濟危急即住迦葉所時迦葉適欲至貧家福度諦念正欲現天身懼恐不受我施便於中路現作草屋羸病在中迦葉從乞病人即伸手施食迦葉以鉢受之變成甘露還現天身於虛空中迦葉曰何以妄語詎我耶天答曰不妄語我至誠施我是天帝五瑞至命欲終故來求願願濟我命迦葉即默然可之天至佛所聽法須臾便睡睡即覺佛語天帝汝向已死今

已還活不復命終還復本身此即是迦葉滅盡定力之所感也迦葉所以用滅盡定力最勝者以迦葉本是辟支佛故也夫辟支佛法不說法教化事以神足感動三昧變現大迦葉雖復羅漢取證本識猶存向所錄八萬四千衆德能所感功齊迦葉難曰迦葉以本是

謂一

辟支佛故稱其勝此等羅漢復是辟支佛耶答曰雖非辟支佛遍習滅盡定其力是同以是故言迦葉衆僧衆生福田也偈云盡得羅漢心解脫者俱解脫也偈云已脫縛著處福田者謂迦葉所集八萬四千衆皆得俱解脫以滅盡定能使衆生現世脫苦後獲涅槃故

二

曰處福田也偈云集四部者略也理應四部表更有八部人天刹帝利婆羅門長者沙門四天王三十三天魔王梵王是爲八部凡有十二部言四部者粗舉其要耳諸法甚深者謂十二因緣也佛爲阿難說十二因緣甚深微妙阿難云此之因緣有何深妙耶佛語阿

難勿言不深妙汝乃前世時亦言不深昔有阿須輪王身長八万由延上下脣相去千由延王有小兒常愛此兒抱在膝上海深三百三十六萬里阿須輪立中正齊腹臍兒見父謂海爲淺欲得入水父謂不可海深沒汝故欲得入父即放之沒於海底惶怖囉嘅父即伸手還執出水語曰語汝不可而汝不信今者何似爾時王者我身是兒者汝是昔日不信深今故不信汝但思無明緣行尚不能了況了三十七品乎如來所說四不可思議何謂四衆生不可思議世界不可思議龍不可思議佛不可思議所以世界不可思議昔滿

謂一

三

願子與梵志共論梵志自云我曾至池水上思惟見有四種兵衆來入蓮華孔中即自驚怪不知我眼華爲實有是向人說之人皆不信遂至佛所云所見如是佛說此是實事非爲虛妄阿須輪與四種兵與諸天闡阿須輪不如退入此蓮華孔中自隱此非思度所及

故曰世界不可思議世界或云梵天所造或云六天所造梵志又云梵天誰造或云梵天有父或云自造言有父者父即蓮華也有云蓮華者何從出曰憂陀延臍中出也憂陀延從何出曰從散蹠王出又曰散蹠王出何姓曰刹帝利種也又曰梵天是婆羅門種今言由刹帝利出是何言歟又曰劫燒時粗可得別何以言之曰劫燒時從地際已上至十五天蕩然焦盡如似可知然復有十六已上三十三天在此間雖燒他世界在以此言之復不可知是爲世界不可思議何謂衆生不可思議或云劫燒後水補火處隨風吹造宮殿訖下有地肥光音天上諸天輩遊戲至地漸嘗地肥遂便身重不能復還食多化爲女轉減至薄麪粒米失神足光明還復爲人善行生天惡行三塗流轉五道無有常准正使欲窮盡一人根本所由尚不能知況復一切衆生而可思度也是爲衆生不可思議也何謂

龍不可思議凡興雲致雨者皆由於龍雨之從龍眼耳鼻口出爲從身出耶爲從心出乎依須彌山止有五種天亦能降雨何以別龍雨天兩天雨者細霧下者是麤下是龍雨何謂五種天第一曲腳天第二頂上天第三放逸天第四饒力天第五四王天阿須輪興兵天闕時先與曲腳天闕得勝然後次至頂上次至放逸及與四天王乃至三十三天下四天欲闢時以雨禦敵更無兵仗有二種雨有歡喜雨有瞋恚雨和調降雨是歡喜也雷電霹靂是瞋恚也阿須輪亦降雨天亦下雨龍亦降雨各各致雨理不可定故曰龍雨不

謂一

四

不可思議佛不可思議者昔時佛在靜室諸梵天如恒河沙來至佛所欲知佛在何三昧而不能知在何定中三昧如是神足變現秘密之事二乘所不能思議豈況復凡庶阿難推先迦葉云耆年堪任爲衆演法所以然者尊長舊學多識世尊所委爲將來衆生故欲使

正法久存於世是以如來半座相命仁尊既
是衆僧上座又復智慧包博惟垂慈愍時宣
法寶外國師云迦葉所以不說法者於四辯
中無有辭辯又云本是辟支佛但以神足現
化初不演法迦葉答讓自云朽邁情暗多忘
答曰四諦真法豈可袞忘耶喻如金剛不可

虧損生死四大乃有增減耳薩婆多家又云
九種羅漢有退轉者以幾事退有四事年在
裴邁疾病苦逼好遠行遊服藥不順以此四
事乃有誤忘耳真諦妙慧豈有忘乎迦葉勸
阿難曰汝今年在盛時加復有聞智等智總
持強記佛每說經常囑累汝以是故汝當宣

布經法何以知阿難有等智昔舍衛城東有
尼拘類大樹蔭五百乘車城中有梵志明於
算術於九十五種中最爲第一在此樹下與
阿難相遇謂阿難曰人云瞿曇弟子智慧第
一頗有此不答曰所知少少耳曰欲問一事
此樹莖節枝葉凡有幾枚阿難舉頭視樹便

渭一

五

答之曰此樹莖節枝葉各有若干即便捨去
梵志在後思惟此沙門必不知數其於見答
乃耳今當試之即處處取葉六十枚藏之土
中阿難乞食還復問曰我向忘數更與我說
阿難舉頭視之再遍答曰此樹葉何以少耶
又曰少幾枚答曰少六十枚梵志即叉手謝
曰未曾有也又問曰君是羅漢耶答曰非也
是阿那含斯陀含耶曰非也是須陀洹耶曰
何以問耶又曰有師耶答曰有真淨王子出
家得佛即是吾師心念曰此假師智非已所
知即隨至佛所求爲沙門即得羅漢以是知
阿難有等智阿難所以推先迦葉者既是上

是共議并勢持歸遂得大用可謂俱智迦葉阿難其喻如是二人齊契法寶長存時阿難說經無量誰能備具爲一聚

經無量者十二部經浩漫甚多適時而說不論次緒或說一事乃云十事或說十事乃論二事或說三事乃論十一事上下不次不得爲一聚或有說者如來說法或說教誠或說斷結或說生天人中以是言之復不得爲一聚阿難思惟一便從一二從二三四五六乃至十各令事類相著或有說者理不可尙按如佛語不可次比也阿難復思惟經法浩大當分作三聚阿難獨生此念首陀會天密告阿難曰正當作三分耳即如天所告判作三分一分契經二分毗尼三分阿毗曇契經者佛所說法或爲諸天帝王或爲外道異學隨事分別各得開解也契經者猶線連屬義理使成行法故曰契也毗尼者禁律也爲二部僧說檢惡歛非或二百五十或五百事引法

渭一

防姦猶王者秘藏非外官所司故曰內藏也此戒律藏者亦如是非沙彌清信士女所可聞見故曰律藏也阿毗曇者大法也所以言大者四諦大慧諸法牙旗斷諸邪見無明洪癡故曰大法也亦名無比法八智十慧無漏正見越三界礙無與等者故曰無比法也迦旃延子撰集衆經抄撮要慧呈佛印可故名大法藏也阿難復思惟此三藏義與三脫相應何者契經妙慧理與空合毗尼制惡玄齊無相大法正見跡同無願故曰三藏三脫冥跡玄會阿難復思惟契經大本義分四段何者文義混雜宜當以事理相從大小相次第一增一次名曰中第三名長第四名曰雜以一爲本次至十一一二三隨事增上故名增一中者不大不小不長不短事處中適故曰中也長者說久遠事歷劫不絕本末源由事經七佛聖王七寶故曰長也雜者諸經斷結難誦難憶事多雜碎喜令人忘故曰雜也阿

難譏三藏訖錄十經爲一偈所以尔者爲將來誦習者懼其忘誤見名憶本思惟自悟故以十經爲一偈也所謂雜藏者非一人說或佛所說或弟子說或諸天讚頌或說宿緣三阿僧祇菩薩所生文義非一多於三藏故曰雜藏也佛在世時阿闍世王問佛菩薩行事

謂一

七

如來具爲說法設王問佛何謂爲法答法即菩薩藏也諸方等正經皆是菩薩藏中事先佛在時已名大士藏阿難所譏者即今四藏是也合而言之爲五藏也或有一法義亦深難持難誦不可憶一法者即空法也無形無像不可護持寂無聲響無心無念泊然無想最第一空義無二故無容可測故曰難持無言可詶故曰難誦無意可思故言回憶也所謂深義其事如此又復一法者衆數之本一數之始十者數之終終於十復從一起正至千萬常始於一如是諸一不可窮盡諸經之中或一義一法一行一事各各相從不失

其緒也故曰一一相從不失緒也二法就二者或云善惡或云止觀或云名色止者虛也觀者實也止者三昧定泊然滅想冥矣亡懷故曰虛也觀所以言實以其分別有行是非好惡識別明了意不惑亂故曰實也三法就三三者布施也功德也思惟也此三行世俗生天法三脫門行至涅槃法也諸有三法三行三福三分法身三三相從喻如連珠也四法就四五亦然五法次六六次七八法義廣九次第十法從十至十一如是諸數皆同二三事類相從阿難即時昇于座座者師子座也經所以喻師子座者師子獸中之王常居高地不處卑下故喻高座也又取其無畏阿難無量博聞於聲聞中獨步無畏故曰無畏座也阿難昇高座如此也彌勒稱善快哉說彌勒所以下者懼阿難合菩薩法在三藏大小不別也輸金同貫是以慤勸請分部昔大天聖王具四梵堂展轉相紹乃至八萬四

千王皆有梵堂唯大天一人是大士其餘皆是小節以是言之大乘難辦多趣聲聞彌勒亦知阿難部分三藏然猶懼後學專習空法斷結取證是以顯揚大乘分爲別藏故說六度諸行大士目要也云施有二種有信施有恐怖施立根得忍則曰信施威力逼迫不由

謂一八

本心則名恐怖施信則成度畏則求福道俗之殊不待言而自別也其人云頭目施者七住已上財物施者六住已下從此退者不墮生死要至涅槃爾何以明之大品本無說中云六十菩薩得羅漢道此其事戒如金剛者大乘戒也戒如坏鉢者小乘戒何者金剛者不可沮壞昔者菩薩比丘端正無比出行乞食路遇一端正女人女視菩薩便起欲意願爲夫婦覆自思惟此同叵得但共坐者我便發無上意菩薩知女心便前共坐有頃便前牽之比丘默然不答復重近之如故寂然比丘即與說空法眼本從何來去至何所欲言

從父母來耶未會之時亦無此眼至後壞時復到何所以是言之眼無所有五情亦然豁然解空得須陀洹應與說有乃更說空善薩法當入有而說空是以不全本意阿難時見此比丘與女坐犯比丘威儀即還白佛向見比丘與女人共坐佛以先知便默然比丘知阿難白世尊曰念我正不往恐誹謗者墮罪正欲現變佛所不許直飛至佛所佛語阿難向所見犯律比丘者今此飛來比丘是汝頗見犯欲人能飛不也此比丘向者與女人共坐時以女人心念是比丘與我共坐者我當發無上意此比丘知女人意便與共坐即與說空法分別眼空五情亦爾女即恐畏便得道跡以其恐懼心生畏生死故得小乘若此比丘向者與說有行者還成本心以此事知是菩薩未成不退於觀人心未盡善也所謂金剛戒也所謂忍度者見罵見毀默受不報菩薩行忍常以慈等等於彼我彼我既齊怨

謂一九

親不二故經曰小乘之慈慈猶肌膚大士之慈徹於骨髓何以明之若人割截菩薩手足變成爲乳者即是慈證也羼提比丘得是其事也喻若母人生子便有乳出此慈念所感自然變成也大士如是入慈三昧故能感乳也行慈之至雖執弓矢衆生反來附已慈之

不徹雖不執杖見皆捨走以是證故大小之殊有自來矣作善惡行者謂精進作諸善功德惡行者猶昔火鬢童子誄迦葉佛言禿頭沙門何有道道難得能得道也由是後受六年勤苦方乃得道遺法之中諸比丘常諱此猶口不可言而言報也六年苦行者不可行而行報也是爲菩薩身口惡行也禪定入寂泊然不動智慧知塵數及江河沙數億載不可計慧明所了不可窮盡此六度無極事盡在菩薩藏不應與三藏合阿難欲使大小殊因緣彼不相知其理自空難可明了大士疑空者不取證故云狐疑也彌勒稱善者以其

集此六度大法爲一分此即菩薩藏也斷結者斷諸妄見結使也成道果大乘菩薩云然事也阿難但云聞不云見者豈可不見如來說法也所以言見爲非者爲將來四部故不得言見也設言見者後四部衆復承阿難言見者則爲虛妄也以是故但稱聞不言見爾

初說法度阿若拘隣等五人摩竭國降三迦葉釋翅即迦毗羅衛若不得說經處但稱在舍衛者以佛在舍衛經二十五年比在諸國最久所以久者以其國最妙多諸珍奇人民熾盛最有義理祇樹精舍有異神驗當衆僧在講集時諸猕猴有數千來在左右觀聽寂

渭

十

寘無聲及諸飛鳥普皆來集衆僧正罷各還所止犍槌適鳴已復來集此由國多仁慈故異類影附佛或能暫行受請或能神力適化尋還本所是以但稱舍衛足知其要也所以別稱祇桓孤獨二人名者此二人先云今在天上亦集諸天說法教化時心念言我等本

是衆僧檀越初不復稱我等名字耶欲適彼所念故復別稱二人名爾云當修一法者亦非次第說若案初成說法當從波羅柰鹿野苑說四諦爲始次至摩竭降三迦葉因稱其精舍主名便云當修一法者以其一法之與四法其理味不異故也一法亦斷結四法亦斷結俱至涅槃殊途同歸余都結二十一演爲三十六數雖盈縮俱爲是結凡事有百一舒復爲八萬四千是以一法之與千萬同是至道之徑余猶師子殺象之殺兔同是一死余以其理趣不異故便從一法始無放逸者一法之宗也或問曰戒應在前先當持戒然後念三尊或曰此爲新學者先念三尊即三自歸運意在佛法衆以次受戒以是言之戒應第四息念後解云閑靜身苦念者謂觀身三十六物不淨惡露以自覺悟可以成道何以明之昔有比丘作阿練若行乞食逢一長者女從乞食比丘女人俱端正女見比丘便

渭一

十一

起欲想比丘見女亦起欲意意動手掉投飯於鉢錯注於地女自怪笑比丘見女齒白即自覺悟曰女人口中純是骨余如佛語人身中有三百二十骨有六百節七十萬脈九十九毛孔一孔入九孔出泄漏不淨無一可貪諦觀女身三十六物慘然毛豎專自惟察即解身空得須陀洹道復自念曰我因女見法則是我善知識今當報恩即復爲女說向所解觀身法女即心開亦得須陀洹道以是言之身念爲勝也死念者念人福盡命終時見地獄瑞驚恐失糞若見餓鬼若見畜生隨行所墮見皆恐怖意欲捨去及爲對所牽若當生人緣父母會若受男胎愛被女人若受女胎愛被男子除其疾難三事不差便得入胎既受又認以爲已有七日一變巧風刻割至三十八七乃成其形若生天上天樂來迎不勝喜悅即失小便此五道瑞各有所見此之死應行者以爲明識深惟無常命速若電若

雲過庭老病死來無不逝喪常念此變以自覺悟故曰死念也前十念佛自說未有問者故不解後十念比丘問佛更爲演說一一析解尊弟子者謂五百羅漢各有所便或智慧第一或神足或辯才或福德或守戒或知足或說法各據第一欲論先兄而後弟者以阿

若拘隣最長以須跋爲最小此佛法階次之大要若以聰哲博達爲元首者此乃是婆羅門法也云千二百五十者舉其常侍從者或云五百人者佛受阿耨達請時簡五百人可者尋從至龍王宮何者此阿耨達泉非有漏礙形所可周旋也阿難出經時集八萬四千羅漢以是言之數不可計也此經今正出百人第一通四部衆二百二十各第一其餘者豈復可計耶其人云此經本有百事阿難屬優多羅增一阿舍出經後十二年阿難便般涅槃時諸比丘各習坐禪不復誦習云佛有三業坐禪第一遂各廢諷誦經十二年優多

渭

羅比丘復般涅槃由是此經失九十事外國法師徒相傳以口授相付不聽載文時所傳者盡十一事而已自余相承正有今現文爾雖然薩婆多家無序及後十一事經流浪經久所遺轉多所以偏囑累此弟子增一者以其人乃從七佛已來偏綜習增一阿含前聖亦皆囑及此經是以能仁時轉復勤及此比丘時優多羅弟子名善覺從師受誦增一正得十一事優多羅便般涅槃外國今現三藏者盡善覺所傳師徒相授于今不替所以迦葉每謂阿難爲小兒者故以累世已來父意相加故也于時阿難妹爲比丘尼聞迦葉語大用嫌恨阿難者聰明博達衆人所瞻望而尊謂爲小兒耶迦葉謂比丘尼曰大妹阿難有二事可恥何所爲恨也正坐阿難勸佛度母人使佛法滅千年是一也阿難有六十弟子近日三十比丘還爲白衣佛教度弟子法若在家有信來求道者當試之七日若外學

來求道者當試之四月何以不等也以外道家或以惡心欲求長短是以先試知爲至誠不然阿難來便度之是可恥二此三十比丘所以還者聞阿難於九十六種道中等智第一從阿難求度者欲請等智然阿難不與說等智是以不合本心於是而還還必誹謗阿

謂一

十三

難謂無等智度弟子喻若魚生子千億萬若心念者便生不念者即爛壞弟子亦如是若留心教詔者便成就不留心者即退還此責非可恥耶此比丘尼以恚心向迦葉故即現身入地獄以阿難有此闕故迦葉謂爲小兒爾阿難自引往昔爲轉輪聖王名曰長壽受父大王之遺教登位治化將欲出家復囑太子善觀委以國政展轉相授未曾暫替昔以父子相承今以師徒相紹昔尚不失有漏之教況今當失至真妙法耶故引自證明其必堪受遺典也於法當念敬者上偈中已判三藏四阿含長行中復云一偈中乃可具三藏

諸法況復增一而不具諸法乎所以復有此一段偈說者以諸天子心中生念阿難不能作偈說法乎何以復作此謾說耶阿難知諸天子心中所念語諸天子正使八萬四千象所載經皆作偈頌者我盡能作偈頌況復阿難此少法而不能作耶欲適諸天意故復以偈頌諸法勸諭諸天及利根衆生應聞偈得解者法即上章諸惡莫作諸善奉行自淨其意是諸佛教法也言此法能成三乘斷三惡趣具諸果實三世受報以才優劣故設誘進之頌云上者持三藏其次四阿含或能受律藏即是如來寶所以云寶者喻若王有寶藏不使外人知唯有內臣與王同心者乃使典掌爾戒律亦如是若能持二百五十及與五百事者乃授其人不可使外部清信士女所可瞻覩故喻王寶也設力不及二藏但持阿毗曇者便可降伏外道九十六徑靡不歸宗何者此無比妙慧能決上微滯使豁爾齊

真雖復五通住劫未免四駛之所制是故外學莫敢闢闢阿難唱此十偈之妙勸者正爲此三萬天人也昔佛始成在波羅奈鹿野苑中爲阿若拘隣等五人轉四諦法輪者佛言拘隣當知苦諦苦集諦苦盡諦苦出要諦直說此四諦拘隣滯有來久聞說智慧意猶不

謂一

古

悟便爲說空拘隣當知四慧所滯一切皆空亦復無常喻若幻化非真非有拘隣即解得見道跡四人未解如來復觀心本二人病在想著更樂思憶在家五欲自恣戀著不捨應病投藥便說無相三昧卿所想著皆歸滅盡故爲馳心放在所樂也所想即解二復得道

跡餘二人心常願生梵天於梵作王所滯不釋復以爲累如來見心所在復爲說無願汝所願求梵天王者不能出要皆歸磨滅無常存者可捨所求出要爲先即復得解成於道跡五人所滯各異所解不同所謂三轉四諦者空無相願中皆有四諦諦即觀也定則止

也止觀雙行共治陰持入中癡愛病也十二者破十二因緣也昔佛在世時爲四部說法或說四諦或說六度隨前衆生所應聞者各爲敷演無有常量或有國王長者梵志居士或請供養或來請問諸可所說者阿難問曰云何名之當言聞耶當言見耶佛告阿難後

在將來四部說法時當言聞不得言見若言見者則爲虛妄何以故聞已過去見者現在如過去七佛正可言聞不得言見也汝於將來亦復如是故曰聞如是也我所以慇懃囑累阿難者過去諸佛雖有侍者無如阿難知佛意趣曩昔已曾供養二十億佛常爲侍者

謂一

十五

不求盡漏常願得等智知佛意趣以是故今獲其報覩目運意不失宜則諸佛之中勇猛精進無過釋迦文者已弟之中彌勒應在前今反在後何者昔三十劫前時有三菩薩共在山上遊行時見有餓虎欲食其子一人念曰此虎即爲畜生復食其子死有痛苦母復

不慈我今身者四大合成會當歸死便當以身救彼子命二人不肯方欲詣市買肉用代子命一人思惟曰若此往返子命不全且當投身於山下濟其子命爾即從山上投身來下趣彼虎口身則安隱虎不敢食所以爾者夫入慈三昧者物莫能害也故以竹自刺使虎得食由是勇猛即超九劫今在弥勒前以是言之道無前後意決爲先是故我今成佛故以遺典委付阿難汝於當來稱聞如是何以復言一時也爲是日月數爲是人名耶答亦是時節數亦是在人名或曰復有二名或刹帝利或婆羅門復有二名或長者種或居士種或在天上或在人間如是諸或非是一處故曰一時也婆伽婆者世尊之稱也結使都盡無能過者故稱爲尊三界諸天皆來歸仰八部鬼神亦所宗敬故稱世尊能降伏魔即復是尊如是所稱不可計量故号世尊也祇樹給孤獨園祇陀太子者波斯匿王之嫡

子也有園田八十頃地平木茂多諸禽獸日來相集祇心存佛常欲上佛作精舍未周之頃須達長者復來請買祇少與長者親善每喜調戲戲言許可須達得波意甚欣悅顧謂侍者速嚴駕象載金布地即負金出隨集布地須臾滿四十頃祇曰止止祇戲言相可不須復布須達即與太子共至三所啓白此意王曰法無二言許波已定理無容悔祇曰吾取樹分卿便取地二人會可共立精舍有七十二講堂千二百五十房舍其中平正果木豐茂流泉浴池寒溫調適四望清顯冬夏不改嚴治都訖共請世尊世尊即與千二百五十六

謂一
十比丘遊止其中擅越供養四事無乏阿難邠邸以是國臣故高讓在先是故諸經每稱祇爲首以功德相連故名亦不得相離故常合以爲稱爾佛告諸比丘者何以不告清信士女但告比丘者於四部衆比丘爲其首又復是破惡之主以無漏法斷諸有漏以是故

先告比丘亦名沙門沙門者心得休息息移
有欲寂然無著亦名除饉世人飢饉於色欲
比丘者除此愛饉之飢想出尊說法比丘能
受斷除生死至涅槃門是故告比丘爾當修
行一法者謂念佛也念佛何等事佛身金剛
無有諸漏若行時足離地四寸千輻相紋跡
現於地足下諸蟲蟻七日安隱若其命終者
皆得生天上昔有一惡比丘本是外道欲假
服誹謗遂如來行多殺飛蟲著佛跡處言蹈
蟲殺也然蟲雖死遇佛跡處尋還得活若入
城邑足蹈門闕天地大動百種音樂不鼓自
鳴諸聲盲瘡瘍殘百病自然除愈三十二
相八十種好其有覩者隨行得度功德所濟
不可稱計慧明所照豈可訾哉佛者諸法之
主摠會萬行以載運爲先所謂念佛其義如
此念法云何法者謂無漏法無欲法道法無
爲法也從欲至無欲也佛者諸法之主法者
結使之主或問曰佛爲在先法爲在先答法

謂一

十七

在先何以知之經曰法出諸佛法生佛道以
是言之法爲在先又曰若然者何以不先念
法而先念佛耶答曰法雖微妙無能知者猶
若地中伏藏珍寶無處不有而人貧困乏於
資用有神通人指示處所得以自供濟於窮
乏或問曰寶爲勝耶人爲勝耶曰人勝也何
以言勝伏藏雖多非神通不覩由人得資生
豈寶藏自貴於地中耶法亦如是理雖玄妙
非如來不辨非世尊不暢是以念佛在先以
法爲次云何念佛者謂四雙八輩十二賢
士捨世貪諱開福導首天人路通莫不由之
則是衆生良祐福田也何以明衆僧爲良福
田也昔有薄福比丘名梵摩達在千二百五
十衆中令衆僧不得食莫知誰各佛便分爲
二部在一部中復令一部不得食復分此一部
爲半令從其半復令此半不得食如是展
轉分半乃至二人亦不得食遂至獨身乃知
無福所在行食次至在鉢自然消化佛愍其

厄自手授食在於鉢中神力所制不復化去
 佛欲令現身得福故令二滅盡比丘在左右
 以食飽此二滅盡比丘凡滅盡三昧皆即時
 得福次復令入慈三昧比丘在左右次以二
 悲次以二喜次以二護各各遍代令修四等
 時波斯匿王聞此比丘薄福佛愍與食我今
 亦當爲其設福即遣使人糲米時有一鳥飛
 來銜一粒米去使人訶曰王爲梵摩達設福
 汝何以持去耶烏即持還本處所以余者此
 比丘以蒙衆僧福力是以鳥獸所不能侵害
 也用是證故知衆僧爲良福田也旣已自度
 復能度人至三乘道念衆之法其義如此次
 念戒者其義云何從五戒十戒二百五十至
 五百戒皆以禁制身口歛諸邪非斂御六情
 斷諸欲念中表清淨乃應戒性昔有二比丘
 共至佛所路經曠澤頓乏漿水時有小池潢
 水衆蟲滿中一比丘深思禁律以無犯爲首
 若飲此水殺生甚多我寧全戒歿命殞無以

渭一

十八

恨於是命終即生天上一比丘自念宜當飲
 水全命可至佛所焉知死後當生何趣即飲
 蟲水所害蟲大多雖得見佛去教甚遠啼泣
 向佛自云同伴命終佛指上天曰汝識此天
 不此是汝伴以全戒功即生天上今來在此
 鄉雖見我去我大遠彼雖喪命常在我所鄉
 今來見我者止可覩我肉形爾豈識至真妙
 戒乎以是言之持戒不犯所願者得十念中
 戒在前六度言之施在前所以前却不等者
 是以在前大士法以惠施爲重何者夫大士
 者生天人中心在濟益濟益之要非施不救
 夫衆生存命者以衣食爲先故以財施先救
 其形然後以法攝御其神故大士以施爲先
 夫戒有二有俗戒有道戒五戒十善爲俗戒
 三三昧爲道戒二百五十戒至五百戒亦是
 俗戒四諦妙慧爲道戒也但行守戒不出三
 界以慧御戒使成無漏乃合道戒聲聞家戒

喻若膝上華動則解散大士戒者喻若頭插華行止不動何者小乘檢形動則越儀大士領心不拘外軌也大小範異故以形心爲殊內外雖殊俱至涅槃故曰念戒也念施所以得至涅槃者以施有財施法施也因財施得達法施成檀度無極故得至涅槃也念天者

謂一

十九

欲界色界至無色界天也天有二種有受福天有道德天欲界諸須陀洹天求離三惡趣進昇道堂色界空界八淨居天增翅上觀進成無漏即彼涅槃不還世間凡夫天者十善四禪四空於彼受福福盡還墮流轉不已所謂念天者念彼諸得道者專心不放逸慕其所行意不馳散亦至涅槃故曰念天也念休息者謂心意想息五欲不起寂然永定故云息也凡息亦有二種外道梵志斂形求福亦云息也沙門四果衆結永消乃是真息何以知其然昔有比丘名曰須羅陀至舍衛城周行教化時舍衛城西鷲掘魔可殺人處其地

平博多諸樹木時有一梵志在樹下坐禪不食五穀但食果蓏若無果便噉草菜以續精氣身著樹葉衣形體羸瘦裁自支柱時須羅陀行過遙見謂是道士坐禪試觀其心知爲定不見其心本乃求作此國王念曰此乃是大賊耶正欲捨去恐後墮罪正欲教化必不隨我語當設方便度此人爾即便就一樹下坐禪相去不遠乃經七日不動不搖過七日後起至梵志前彈指覺曰同伴體中何如也梵志良久徐乃舉頭答曰貧儉無以相遺何如比丘又曰我今當遺君一物即化作一雞君可殺此雞噉梵志驚曰我尚不殺蟻蟲況當殺雞耶比丘曰汝本心乃欲殺無數人今殺此雞何足言梵志復曰我云何殺無數人耶比丘曰汝本在此坐禪時乃欲求作此國王王者治化曰可殺幾人而言不殺也此雞即是汝心中識雞乃可得無爲大道何用國王爲即便思惟此比丘乃知我心中所念必

是聖人耶當從其教重爲說法即得道跡此
梵志身形雖靜心不休息也自得殺識難已
乃可名爲休息爾故後解曰心意想見息也
念身者觀身三十六物惡露不淨諦念不亂
亦得涅槃何以知之昔有比丘作阿練若常
行乞食於江水邊食訖擣鉢時上流岸邊

謂一二

穴間有新死女人風吹頭髮忽然墮鉢中比
丘手執此髮諦視之甚妙好心口獨語若是
馬尾此復太細若是男子髮復太軟細若繫
不解者必是女人髮即便繫之不解便生想
念此髮如是人必妙好面如桃華色眼如明
珠鼻如截筒口如含丹眉如蚰蜒作是分別

謂一二

已便起欲心順水尋求想見顏色追求不已
見一女人狐狼已噉其半身形臭爛其髮猶
存執髮比之長短相似向者欲想釋然自解
復重觀之分別惟察此人生時形容嚴好今
者壞敗令人得見我向所起想者但欲貪身
愛欲故而生斯念尔彼身如是我復何異諦

計我身四大合成福盡緣離自然解散覩變
心已即達道跡以是言之念身者獲沙門果
也念死者行人念命逝不停諸根散壞如腐
敗木命根斷絕當念非常以自覺悟昔有比
丘名婆吉利坐禪行道經歷年歲而有漏不
除自患己身以爲大累每思自害之所以不
得至道者正坐此身纏綿流轉何時可息即
以手執刀將欲自刎復重思惟世尊有教誡
諸弟子不得自殘雖爾我今欲求涅槃涅槃
中無身是故先除身取無爲正爾便舉刀自
刎頭亦墮心亦徹即得阿羅漢佛知已得道
敕諸比丘閻維其屍是故念死亦得涅槃也

諸弟子般涅槃皆以宿緣償對因取涅槃目連被打身子下漏如是五百弟子各以宿緣取滅度唯有阿難最善取涅槃阿難將欲涅槃時先現光瑞有梵志從阿難學筆術見阿難顏色發明告阿闍世王曰阿難顏色異常將欲取涅槃耶王即遣人追尋阿難阿難已

將五百弟子至中路恒水岸上上船欲度適至水半王已至岸毗舍離承阿難來亦遣五百童子迎欲適二國意故以神力制船令住中流時度弟子一名摩禪提二名摩呻提告摩禪提汝至羯賓興顯佛法彼土未有佛法好令流布告摩呻提曰汝至師子諸國興隆佛法囑累訖作十八變出火燒身中分舍利令二家各得供養此由念佛之力故得自在也

分別功德論卷上

較音教去粗才古反捷椎槌上無反一執護上蒸音直

渭一

果蓏也黃門下越色下渠鎮反
下房粉也污積也也渠通比丘無此謂
反反魯也池也反瘞殘云于敏疲病也
下漏也賜也贈而去也筒竹音也入也
相遺也聲也筒楚音也合也輻車音也
捕華刺也反繫細音也昨精也潢水福
呻申音也同腐音也反範法音也犯音
自刎也爛音也

渭一